

本草述鈎元卷十八 夸果部 武進楊時泰貞頤輯

荔枝

肉味甘氣溫入手足少陰厥陰經通神益智健氣馭寒
止渴益顏色治瘰癧瘤贅赤腫疔腫發小兒痘瘡荔枝屬
陽主散無形質之滯氣故瘤贅赤腫者用之丹溪性稟畏寒

偏生暖地且丹實成熟於夏離火之象色力咸勝體陰用陽

能宣風木輔君火

頤之

甘溫益血助營氣

仲淳

老人氣虛胃

有暴寒欲踈散則氣益虛遽投參芪則微寒更不去惟用荔

枝肉肥厚者五枚煮酒一鍾屢服之頗效又或因微寒而

胸膈稍滯鼻塞不暢用荔枝浸酒每一盃入蘇葉陳皮湯十

之二服數盃無不捷效。痘瘡不發荔枝肉浸酒飲并食之。忌生冷。疔瘡惡腫用荔枝肉白梅各三個搗作餅子貼於瘡上根即出。

荔枝核 木氣味甘溫。利厥陰行散滯氣治心痛小腸氣痛癰疔婦人血氣刺痛。其實雙結而核肖罌丸故其治癰

疔卵腫有述類象形之義。

瀕湖

同故紙牛膝延胡茴香木瓜

杜仲橘核萆薢合歡子治疔氣虛熱者加黃檗虛寒加桂

疔氣癰腫荔枝核四十九個陳皮九錢硫黃四錢爲末鹽水打麪糊丸綠豆大遇痛時空心酒服九丸良久再服不過三服神效亦治諸氣痛 腎腫如斗荔枝核青皮茴香等分各炒

研酒服二錢日三 心痛小腸氣痛荔枝核一枚煨存性研末新酒調服 婦人血氣刺痛荔枝核燒存性五錢香附炒一兩爲末每二錢鹽湯米飲任下

論 荔枝生於炎方冬青春榮迨夏至將中則翕然丹赤夫丹赤爲陽氣之所化乃在夏至將中時者陽氣之用遇陰將進而圓成也夫得陰以成其陽之化卽能入陰而達其陽之用本草所謂健氣毆寒正入陰達陽之的證丹溪主散無形質之滯氣乃入陰而散陽之受滯於陰者如癰癰贅疣赤腫疔腫固皆陰之圍陽以爲此證也之頤又言宣風木輔心火亦卽入陰而達陽之義至述類象形義取諸核能入肝腎治

癰腫非又入陰而達陽之用者乎其治心痛及小腸痛乃陽虛而陰乘之痛非陽盛而陰微之痛況心小腸屬氣中之血茲味正入血以化氣耳經曰氣虛者寒也又曰長氣於陽此以陽之能化者益陽之虛而更卽入陰以化之是之謂歐寒是之謂散滯固不可以他味之辛散例視矣其益陽似與辛熱之味同其入陰以散氣分之寒大不與純補陽者相類是所獨擅本草旣言止渴又云生者多食發熱煩渴可知止渴亦惟陽虛不能化陰而津液不生者宜之若用之陽盛而渴者則爲倒施矣

龍眼肉

荔枝纔過龍眼卽熟其色青黃南人呼爲荔枝奴木性畏寒

然白露後方可采摘

氣味甘平入足太陰手少陰經 開胃益脾寧心安志除健

忘却怔忡 稟稼穡之化故其味甘甘入脾由統血者以益

主血之臟是其功也 同生地天麥冬丹參柏子遠志蓮子

人參五味茯神能補心保神益氣強志 方外服龍眼法五

更將不見水乾龍眼以舌在齒上取肉去核

卽舌攪
華池法

細細嚼

至渣如膏連口中津汨汨嚥之如嚥甚硬物畢又如前法食

第二枚共服九枚約一時許服畢方起辰巳二時未申及臨

卧一日服四次服時氣和心靜且漱津納嚥是取坎納離之

法勞證勤行一月自愈

論 龍眼與荔枝其味皆甘而氣有溫平之殊氣爲味主故或溫或平味卽如其氣以致用也龍眼采摘於白露後得由金趨水之氣居多爲爲血之化原者居其強半矣旣爲血之化原而甘又先入脾統血者得其益自能由于以益母况脾脈偕腎脈以入心更有捷得之效乎其功開胃益脾寧心安志夫志屬腎而更能安之者繆氏所謂心得血而補則火下降坎離自交故志得安也然則遠志益志而入腎卽以補心抑亦可以交濟矣

檳榔子

檳榔樹初生引莖直上旁無枝柯條從心生頂端有葉如甘

蕉其實春生出穗凡數百顆五月成熟剝去其皮煮其肉而

乾之皮皆筋絲與大腹皮同 交州者甘廣州者濇 一種

與檳榔同狀而小味近苦甘爲山檳榔即蒟子 又一種似檳榔

而大味濇核亦大卽大腹子也

味濇苦而辛微甘氣溫氣薄味厚陽中微陰降也入手足陽

明經 白者辛多散氣赤者苦濇殺蟲 主下滯氣除痰癰

破癥結消穀逐水祛嵐瘴膨脹治瀉痢後重及大小便氣秘

並主賣豚膀胱諸氣脚氣諸病療瘴瘧殺諸蟲 泄胸中至

高之氣使之下行性如鐵石之沉重能墜諸藥至於下極亭亭

直上旁無枝柯所以降氣至極者卽經所謂上行 無枝直

極而下也金之主在火有升而後有降氣化如斯

上此從甲而乙從乙而丙生長炎方色白味濇謂有金氣故其氣前往有右遷之象焉又云氣迅機速四氣咸宜然於脾土最爲親切不遠 檳榔得天之陽氣地之金味故味辛氣溫

潔古言苦以其感盛夏之火氣耳仲厚 同草果枳實橘皮治

食瘧加三稜蓬茂礬紅紅麴山楂麥芽消一切堅硬肉食及

米麪生冷諸積成塊作痛 同黃連白芍烏梅紅麴扁豆蓮

肉葛根枳殼橘紅治滯下後重 同雷丸蕪荑蘆薈肉蔻胡

連使君子治小兒疳蚘 同棟根鶴蝩錫灰貫仲烏梅薏苡

根治寸白蟲 同蒼朮草果青皮甘草治嵐瘴發瘧 乾霍

亂心腹脹痛煩悶欲死用檳榔末五錢童便半盞水一盞煎

服 腸胃有濕大便秘塞大檳榔一枚麥冬煎湯磨汁溫服
或以蜜湯調末二錢服 腳氣衝心悶亂不識人用白檳榔
十二枚爲末平分每空心用暖小便五合調下日二或入薑
汁溫酒同服 腳氣脹滿非冷非熱或老人弱人病此用檳
榔爲末卽以其殼煎汁或茶飲蘇湯豉汁調服二錢甚利
丹從臍起檳榔末醋調傅之

論 檳榔入口便瀉次苦又次辛最後微微有甘雖瀉不敵
苦而苦又不敵辛以瀉始而以辛終是全乎金而稟降令之
厚者也其木產於南其實熟於夏火爲金用固宜專於氣分
以下行用茲味者如泄痢之後重小便之淋痛下而不達如

奔豚之逆行脚氣之衝心上而不下他如水穀不化痰癖久
稽心痛積聚膈氣壅滯及二便諸蟲之爲病必審其由於升
者太過降者不及則用茲味之金以和火可也倘病於升之
不及降之太過又須益火以培金之元借金以全火之用此
固虛實之未可或紊者

所云補火不外於補中土益中氣所
云借金以全火之用卽借櫟榔輩於

補中行其
壅滯也

氣虛者忌之下痢非後重不用瘡非山嵐瘴氣不用凡病屬
陰陽兩虛若非腸胃壅滯宿食脹滿者悉忌

仲淳

辨治

尖長有紫紋者名櫟力小圓而矮者名榔力大取雞

心正穩中實如錦紋者佳

急治生用經火則無力

金畏火也緩

治醋煮或畧炒或用酸粟米飯裏濕紙包灰火中煨令紙焦去飯勝於微炒及醋煮者

大腹子

卽檳榔中一種腹大形扁而味濇者不似檳榔尖長味良

氣味辛濇溫 主治與檳榔同

大腹皮 味辛氣微溫入足陽明太陰經 主冷熱氣攻心

腹大腸蟲毒痰膈醋心

並以薑鹽同煎入疎氣藥用之

下一切氣止霍亂通

大小腸消肌膚中水氣浮腫脚氣壅逆治胎氣惡阻脹悶

下膈氣亦佳攻心腹大腸壅毒

嘉謨

丹溪常用以治肺氣喘

促水腫藥多用之取其瀉肺以殺水之源也

類明

與檳榔主

治暑同第腹皮下氣稍遲

仲淳

同白朮茯苓車前子桑白皮

五加皮猪苓澤瀉薏仁木瓜蠡魚治水腫虛者加人參

論檳榔得金味之厚其皮何獨不然但在實氣味凝厚而

皮則輕揚故疎壅氣之性同而下墜迅速誠不侔也觀夫治

虛腫大補其氣而少入腹皮治痰火者亦微用此於健脾之

劑或皆取其導壅順氣而不甚酷烈歟

修治鳩鳥多棲此樹上須先以酒淨洗去濁仍以太豆汁

洗之曬乾用

雞距子

其樹枳椇夏月開花枝頭結實如雞爪形嫩時青色經霜乃

黃嚙之味甘如蜜

氣味甘平 止渴除煩去膈上熱潤五臟利大小便止嘔逆

解酒毒辟蟲毒

功用同蜂蜜枝葉煎膏亦同

藏器

解虛人

酒毒不禁葛根之散用雞距子

丹溪

果實酒物過度積熱在

脾食多而飲水飲水多溺亦遂多此非消渴取當門子以酒

濡濕作十許丸用棘枸子煎湯吞之

濕熱黃疸藿杞飲此

乃酒毒熏肺肺移病於脾當脾肺合治用藿香枇杷葉桑白

皮陳皮乾葛白茯苓雞距子各等分水煎下酒煮黃連丸

本草述鉤元卷十八終

武進門生伍恂

全校

儀徵後學汪廷儒

本草述鉤元卷五 果之味部 武進楊時泰貞頤手輯

蜀椒

今歸峽及蜀川陝洛間多種之四月結子枝葉間如小豆而圓無花皮紫赤色八月采實江淮北土亦有之不及蜀中者皮厚裏白味烈也

頌

味辛而麻氣溫以熱稟南方之陽受西方之陰

故重蜀產

大熱有

毒氣味俱厚陽也乃手足太陰右腎命門氣分藥兼入手厥陰經 主治通三焦下氣補右腎命門明目溫中除虛冷腹

痛散氣却濕鬱消畱飲宿食治頭風下淚冷嗽及寒濕泄瀉餐泄不化寒濕痺痛水腫黃疸煖腰臍縮小便殺虵蟲 純

陽之物能入肺治寒入脾除濕入右腎補火主療如上諸證

瀕湖 椒氣下達餌之益下不上衝也段成式 凡腎氣上逆以

川椒引之歸經則安叔微 蜀椒去汗假辛熱以潤心寒東垣 經

云氣虛者寒也益命門之火即以養心氣之虛故曰潤 凡

人傷飽覺氣上衝心胸痞悶者以水吞生椒一二十顆即散

取其能通三焦引正氣下惡氣消宿食也上清訣 凡人嘔吐

服藥不納者必有虵在膈間虵問藥則動動則藥出而虵自不出 但於嘔吐藥

中加炒川椒十粒良以虵得椒則頭伏也蟲生於風木蜀椒稟金氣以下達故

見之 觀此則仲景烏梅丸中用之義同原禮 紅椒屬火而有

水與金有下達之能如元陽虛憊者用之適宜乃為益火如